

ΕΛΓΙ ΤΕ # 2354-00 - ΟΑΘΑΟΕΑΑΕ Τ ΕΛΓΙ ΤΕ Τ ΟΑΑΤΕΑΑΟΕ Ε ΑΑΓΑΘΑΟΕ ΕΘΑ ΑΑ ΟΑΕΑΟΕΘ ΟΑΘΑΑΑ

მიღებულია - 20.12.2005 წ

ძალაშია - 12.01.2006 წ

12.01.2006 წ - მდგომარეობით

მიმღები: პარლამენტი

ეხება დარგებს: თავდაცვა და უსაფრთხოება

გამოქვეყნებულია #57 მაცნეში
29.12.2005
ნაწილი I

ΤΟΑΕ Ε # 1 - ΕΛΓΙ ΤΕΘ ΤΕΑΤΕ

ამ კანონის მიზანია, ხელი შეუწყოს ორგანიზებული დანაშაულის, ქურდული სამყაროს და რეკეტის წინააღმდეგ ბრძოლას და თავიდან აცილებას, აგრეთვე ქურდული სამყაროს წევრების წინააღმდეგ ბრძოლას კერძო, საზოგადოებრივი და სახელმწიფო ინტერესების დასაცავად.

ΤΟΑΕ Ε # 2 - ΟΑΕΑΟΕ, ΟΑΕΑΟΘΕ Ε ΑΑαΑΘ×ΑΑΑ, ΟΑΕΑΟΘΕ

1. რეკეტი არის შემოსავლის ან სხვაგვარი ქონებრივი სარგებლის სისტემატურად მიღების მიზნით წარმოებული არაერთჯერადი და ორგანიზებული საქმიანობა, რომელიც დაკავშირებულია განზრახვი დანაშაულის ჩადენასთან (თუ ნასამართლობა არ არის გაქარწყლებული ან მოხსნილი), თუ იგი განხორციელდა ორჯერ მაინც ხუთი კალენდარული წლის განმავლობაში, რომელშიც არ შედის რეკეტირის დაპატიმრებისა და სასჯელის მოხდის ვადა.

2. რეკეტულ დაჯგუფებად ითვლება თავისი საქმიანობით რეკეტთან დაკავშირებული იურიდიული პირი, აგრეთვე ფიზიკურ ან/და იურიდიულ პირთა ნებისმიერი გაერთიანება.

3. რეკეტირი არის პირი, რომელიც დამოუკიდებლად ან სხვა პირთან (პირებთან) ერთად წარმართავს რეკეტული დაჯგუფების საქმიანობას, ან სხვაგვარად მონაწილეობს რეკეტული დაჯგუფების საქმიანობაში და მისთვის ცნობილია, რომ ეს დაჯგუფება რეკეტული დაჯგუფებაა, აგრეთვე უკანონოდ წყვეტს რეკეტულ დაჯგუფებებს ან რეკეტულ დაჯგუფებასა და სხვა პირთა შორის დავებს ან მონაწილეობს ასეთი დავების გადაწყვეტაში.

ΤΟΑΕ Ε # 3 - ΘΘΘΑΘΕ Ε ΘΑΤΑΘΙ, ΘΘΘΑΘΕ Ε ΘΑΤΑΘΙ Θ ΒΑΑΘΕ, ΕΛΓΙ ΤΕΑΘΕ ΘΘΘΑΕ

1. ქურდული სამყარო - პირთა ნებისმიერი ერთობა, რომელიც მოქმედებს მათ მიერ დადგენილი/აღიარებული სპეციალური წესების შესაბამისად და რომლის მიზანია დაშინებით, მუქარით, იძულებით, დუმილის პირობებით, ქურდული გარჩევის გზით, დანაშაულებრივ ქმედებებში არასრულწლოვანთა ჩაბმით, დანაშაულის ჩადენით ან დანაშაულის ჩადენისაკენ წაქეზებით მისი წევრებისათვის ან სხვა პირებისათვის სარგებლის მიღება.

2. ქურდული სამყაროს წევრი - ნებისმიერი პირი, რომელიც აღიარებს ქურდულ სამყაროს და აქტიურად მოქმედებს ქურდული სამყაროს მიზნების განსახორციელებლად.

3. ქურდული გარჩევა - ქურდული სამყაროს წევრის მიერ ორ ან ორზე მეტ პირს შორის არსებული დავის გადაწყვეტა, რომელსაც ახლავს მუქარა, იძულება, დაშინება ან სხვა უკანონო ქმედება.

4. კანონიერი ქურდი - ქურდული სამყაროს წევრი, რომელიც ქურდული სამყაროს სპეციალური წესების შესაბამისად ნებისმიერი ფორმით მართავს ან/და ორგანიზებას უწევს ქურდულ სამყაროს ან პირთა გარკვეულ ჯგუფს.

Ἰὸἀἔἔ # 4 - Ἰ ἄἈἔἔ ἸἈἈἔἔ, ἈἈἔ Ἰ ἸἈἔἈἈἔ, ἈἈἔἈἈἔἈἈἈἈἔἔ ἔ ἔἈἈἔ

1. რეკეტირის ან ქურდული სამყაროს წევრის ოჯახის წევრი არის მისი მეუღლე, არასრულწლოვანი შვილი და გერი, აგრეთვე რეკეტირთან ან ქურდული სამყაროს წევრთან მუდმივად მცხოვრები პირი.
2. რეკეტირის ან ქურდული სამყაროს წევრის ახლო ნათესავი არის პირდაპირი აღმავალი და დაღმავალი შტოს ნათესავი, და და ძმა, აგრეთვე მშობლისა და შვილის გერები, მეუღლის და, ძმა და მშობელი.
3. რეკეტირთან ან ქურდული სამყაროს წევრთან დაკავშირებული პირი არის პირი, რომელსაც იურიდიული დოკუმენტაციის საფუძველზე საკუთრებაში აქვს ქონება და არსებობს საკმარისი მტკიცებულებები, რომ იგი მიღებულია რეკეტის ან ქურდული სამყაროს წევრის დანაშაულებრივი ქმედების შედეგად და ამ ქონებით სარგებლობს რეკეტირი ან ქურდული სამყაროს წევრი.

Ἰὸἀἔἔ # 5 - ὈἈἔἈἈἔἔ ἔ ἔ ἸἈἈ, ὀἈἈἈἈἈἈἈἈἈἈ ὀ ὀἈἈἈἈἈἈ ὀ ἸἈἈἈἈ ὀ ἸἈἈἈ

1. რეკეტული ქონება არის რეკეტიდან მიღებული ქონება, ამ ქონებიდან მიღებული შემოსავალი, რეკეტიდან მიღებული შემოსავლით შექმნილი ქონება, აგრეთვე რეკეტული დაჯგუფების, რეკეტირის, რეკეტირის ოჯახის წევრის, ახლო ნათესავის ან დაკავშირებული პირის შემოსავალი, ქონება ან ქონებიდან მიღებული შემოსავალი, რომლის მართლზომიერი საშუალებებით მიღების დამადასტურებელი საბუთი ან სხვა მტკიცებულება არ არსებობს.
2. ქურდული სამყაროს წევრის ქონება - ქურდული სამყაროს წევრის, მისი ოჯახის წევრის, ახლო ნათესავის ან დაკავშირებული პირის შემოსავალი, ქონება ან ქონებიდან მიღებული შემოსავალი, რომლის მართლზომიერი საშუალებებით მიღების დამადასტურებელი საბუთი ან სხვა მტკიცებულება არ არსებობს.
3. რეკეტული და ქურდული სამყაროს წევრის ქონება ექვემდებარება ჩამორთმევას და მესამე პირის კანონიერი ინტერესების დაკმაყოფილების შემდეგ გადაეცემა მის კანონიერ მესაკუთრეს, ხოლო კანონიერი მესაკუთრის დადგენის შეუძლებლობის შემთხვევაში - სახელმწიფოს.
4. რეკეტული და ქურდული სამყაროს წევრის ქონების ჩამორთმევის და სახელმწიფოსათვის გადაცემის წესი განისაზღვრება საქართველოს სამოქალაქო საპროცესო კოდექსით.

Ἰὸἀἔἔ # 6 - ὈἈἔἈἈἈἈἈἈἈἈἈἈ, ὀἈἈἈἈἈἈ ὀ ὀἈἈἈἈἈἈ ὀ ἸἈἈἈἈἈ ἈἈ ἔἈἈ ἸἈἈἈἈ ὀἈἈἈἈ ἈἈἈἈἈἈἈἈἈἈἈἈ ἈἈ

რეკეტირის, ქურდული სამყაროს წევრისა და კანონიერი ქურდის პასუხისმგებლობა განისაზღვრება ამ კანონითა და საქართველოს სხვა საკანონმდებლო აქტებით.

Ἰὸἀἔἔ # 7 - ἈἈἈἈἈἈἈἈἈἈ ἈἈἈἈἈἈἈἈ

1. ამ კანონის ამოქმედებისთანავე ძალადაკარგულად იქნეს ცნობილი საქართველოს 2004 წლის 24 ივნისის კანონი "ორგანიზებული დანაშაულისა და რეკეტის შესახებ" (საქართველოს საკანონმდებლო მაცნე, ¹18, 09.07.2004, მუხ. 60).
2. ეს კანონი ამოქმედდეს გამოქვეყნებიდან მე-15 დღეს.

საქართველოს პრეზიდენტი
მიხეილ სააკაშვილი

თბილისი,
2005 წლის 20 დეკემბერი.

